

# Шин совхозмуд Хар газрт гаргъхмн

КПСС-н XXI ч хург деер  
ур Н. С. Хрущевин кек  
докладин тезисмудт мана  
орн-нутгин селәнә эдл-ахуг  
цааранднь улм икәр дел-  
грұлхиг темдгдджәнә. Эннь  
мана орн-нутгин оln келн-  
әмтнә бәәдл-джиргълиг ъмн-  
кәсн улм ұлу сәәхрұлдж яс-  
хмн.

Туунә тоод Хальмг рес-  
публикин эдл-ахусин ъслтд  
болн цуг кұч-кѡлсчрин  
сәәдл-джиргълд чигн ұзг-  
дәд угагъар ясрдж сәәхр  
сарул хаалгъ секгдджәнә.

Мана нег ик чинртә тѡр—  
Хар газрин агъун шимтә  
сән идгиг буклднь олздж  
эдлдж, энунд малан олар  
ѡсклгън. Черноземельск,  
Каспийск хойр района хо-  
орндк теегин агъуд дѡрвн-  
тави совхозмуд гаргъдж  
болхмн.

Урднь эн газрт тави ик  
колхоз, хойр совхоз гурви  
зун минъгън хѡд, бод мал  
болн нань чигн оln зұсн  
мал бәрджәсмн. Тер эдл-  
ахус малин зѡвәр ик эдл-уш  
орн-нутгтан орулдж ѡгчә-

смн. Ода шин совхозмуд гар-  
гъхла, эн агъу ик газр улм  
сәәнәр, ик олзтагъар эдлг-  
дхнь лавта. Социалистическ  
шин селәд тосхгдхмн. Иим  
ик совхозмуд Хар газрин  
теегт ус орулх тѡриг чигн  
тұргәр кұцәхмн.

Тер газрмудар ус гұулгх  
хойр аргъ бәәнә. Негнь—  
Кумин голас Черноземельск  
района Комсомольск посел-  
кд ирх услерин каналиг  
тѡмр хаалгъин Улан-Хол  
станц кұртл кұргхмн. Хойр-  
дгчнь—Оля-Каспийск кана-  
лиг хуучн Улан-Хоолин газ-  
рар дамджулдж тѡмр хаал-  
гъин Цагън-Нур станцд  
кұргхмн.

Иигдж каналар ус гұул-  
гхлә, ода бәәсн кесг минъ-  
гън гектар хагсу газрмуд  
услгддж, бәәх ұнтә шим-  
шұўсән илдкдж, мал ѡскл-  
гънд болн оln-әмтнә бәәдл-  
джиргъл сәәхрұллгънд цер-  
глхмн. Туўг буклднь олз-  
лдж эдлх мана нег эрки тѡр  
болх зѡвтә.

**МАНДЖИКАН БАСНЪ.**